

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj predmeta: 01-04_____2025

Broj akta: _____

Gračanica, _____2025. godine

Na osnovu člana 8. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09), članova 6. i 8. Zakona o komunalnim djelatnostima TK („Službene novine TK“, broj 11/21 i 07/25), člana 4. i 6. Odluke o komunalnim djelatnostima Grada Gračanica („Službeni glasnik Grada Gračanica“, broj: 07/19) i člana 10. i 16. Statuta grada Gračanica ("Sl. Glasnik Grada Gračanica, broj: 1/23), Gradsko vijeće Gračanica, na sjednici održanoj _____2025. godine, donosi

ODLUKU

o izmjenama i dopunama Odluke o javnim parkiralištima na području općine Gračanica

Član 1.

U cijelom tekstu Odluke o javnim parkiralištima na području općine Gračanica („Službeni glasnik Općine Gračanica“, broj: 5/15 i 8/17), riječi „općina“ i „Općina“, u različitim padežima, zamjenjuju se riječima „grad“ i „Grad“, u odgovarajućim padežima.

Član 2.

Član 1. Odluke o javnim parkiralištima na području općine Gračanica, se mijenja i glasi:

„Član 1.

Ovom Odlukom uređuje se komunalna djelatnost održavanja javnih parking prostora i javnih garaža, upravljanje javnim parkiralištima, te se propisuju uslovi, način korištenja, organizacija i način naplate parkiranja vozila na javnim parkiralištima na području grada Gračanica, kao i postupak premještanja nepropisno zaustavljenih ili parkiranih vozila.“

Član 3.

Član 2. Odluke se mijenja i glasi:

„Član 2.

Javnim parkiralištem se smatra javna površina namijenjena isključivo za zaustavljanje i parkiranje vozila kao i za ostale namjene određene ovom Odlukom.

Upravljanje javnim parkiralištima na kojima se naplaćuje parkiranje vrši Javno preduzeće „Komus“ d.o.o. Gračanica (u daljem tekstu: JP “Komus” d.o.o. Gračanica).

Član 4.

Član 7. Odluke se mijenja i glasi:

„Član 7.

Javna parkirališta s naplatom na području općine Gračanica, kategorišu se po vrsti i zoni parkiranja na sljedeći način:

Redni broj	Naziv javnog parkirališta	Vrsta javnog parkirališta		Zona
		na ulici-van ulice	otvoreni-zatvoreni	
1.	Parking kod BKC-a	van ulice	otvoreni	1
2.	Parkirališta kod zgrade Gradske uprave (bočno od zgrade)	na ulici	otvoreni	1
3.	Ulica Kej Fridriha Foglara	na ulici	otvoreni	0
4.	Ulica Sultan Mehmeda II Fatiha	na ulici	otvoreni	0
5.	Ulica 22. Divizije	na ulici	otvoreni	0
6.	Ulica Riječka I	na ulici	otvoreni	1
7.	Ulica Riječka II	na ulici	otvoreni	1
8.	Ulica Bosanskih kraljeva	na ulici	otvoreni	1
9.	PKSC “Bazen”	van ulice	otvoreni	1
10.	Ul. 111.Gračaničke brigade (kod rukometnog igrališta)	na ulici	otvoreni	1
11.	ul. Mehmeda Vehbi ef. Šemsekadića (kod PU Gračanica)	na ulici	otvoreni	1
12.	Parking prostor kod stambene zgrade «Kifla»	van ulice	otvoreni	1

Član 5.

Član 9. Odluke se mijenja i glasi:

„Član 9.

Za korištenje javnog parkirališta korisnik plaća naknadu prema tarifnim zonama.

Cijena parking karte za pojedinu zonu:

ZONA	CIJENA	DNEVNA PARKING KARTA
ZONA 0	2,00 KM/h	8,00 KM
ZONA 1	1,00 KM/h	6,00 KM

Cijena mjesečne i godišnje povlaštene parking karte:

ZONA	FIZIČKE OSOBE STANARI	VLASNICI/ KORISNICI POSLOVNIH PROSTORA
ZONA 0 (MJESEČNA)	20,00 KM	40,00 KM
ZONA 0 (GODIŠNJA)	150,00 KM	400,00 KM
ZONA 1 (MJESEČNA)	10,00 KM	30,00 KM
ZONA 1 (GODIŠNJA)	100,00 KM	300,00 KM

Cijena sedmičnih, mjesečnih i godišnjih parking karata:

ZONA	SEDMIČNA	MJESEČNA	GODIŠNJA
ZONA 0	20,00 KM	80,00 KM	800,00
ZONA 1	10,00 KM	40,00 KM	400,00

Cijena parking karte za rezervisano parking mjesto

ZONA	MJESEČNA	GODIŠNJA
ZONA 0	300,00 KM/h	3.000,00 KM
ZONA 1	200,00 KM/h	2.000,00 KM

Rezervacija parkirališnih mjesta je dozvoljena za maksimalno 10% od ukupnog broja mjesta.

Način izdavanja i uslovi korištenja povlaštenih odnosno sedmičnih, mjesečnih i godišnjih karata detaljno će biti uređeni posebnim aktom JP „Komus“ d.o.o. Gračanica.

Korisnicima iz stava 3. ovog člana može se izdati najviše jedna povlaštena parking karta, i to samo za jedno vozilo.

Izdavanje mjesečne, godišnje i povlaštene karte ne obavezuje JP „Komus“ d.o.o. Gračanica da za iste obezbijedi kontinuirano slobodno parking mjesto.“

Član 6.

Član 11. Odluke se mijenja i glasi:

„Član 11.

Za naplatu parkiranja na otvorenim javnim parkiralištima, koristi se parking karta iz automata za naplatu parkiranja ili parking karta plaćena elektronski putem SMS servisa ili parking karta plaćena elektronski putem pametne parking aplikacije. Za naplatu parkiranja na zatvorenim javnim parkiralištima koristi se ulazni print listić i izlazni print račun.

Parking kartu, korisnik je dužan istaknuti s unutrašnje strane vjetrobranskog stakla vozila, na način da bude vidljiv serijski broj, te da iz nje ovlašteno lice za naplatu parkiranja može utvrditi podatke (godinu, dan, sat i minut početka parkiranja), osim u slučaju plaćanja iste elektronski putem SMS servisa ili elektronski putem pametne parking aplikacije.

U izuzetnim slučajevima (kvar na automatu za naplatu parkiranja, nestanak struje i slično), naplata parkiranja u smislu stava 2. ovog člana može se izvršiti ručno uz izdati fiskalni račun.

Korisnicima javnih parkirališta i drugim licima je zabranjeno blokiranje, odnosno oštećenje automata za naplatu parkiranja (ubacivanjem neodgovarajućih kovanica ili drugih materijala i vršenje bilo kakvih radnji, kojim se vrši oštećenje automata za naplatu parkiranja).

Ovlašćuje se JP „Komus“ d.o.o. Gračanica, da svojim internim aktima detaljnije reguliše način plaćanja parking karte elektronski putem SMS servisa, odnosno putem pametne parking aplikacije.“

Član 7.

Član 14. Odluke se mijenja i glasi:

Parking karta, plaćena na način određen članom 11. stav 1. ove Odluke je dokaz o uredno plaćenju naknadi za parkiranje na javnom parkiralištu.

Sadržaj i izgled parking karata će biti detaljnije određen posebnim aktom JP “Komus” d.o.o. Gračanica.

Član 8.

Član 18. Odluke se mijenja na način da se dodaje tačka 4 koja glasi:

„4) Ne izvrši plaćanje parking karte na način određen u članu 11. stav 1. ove Odluke.“

Član 9.

Član 19. Odluke se mijenja i glasi:

„Član 19.

U slučajevima povrede uslova korištenja javnih parkirališta, na način propisan u članu 18. ove Odluke, na prednje vjetrobransko staklo vozila sa domaćim registarskim oznakama ostavlja se obavijest o obavezi plaćanja doplatne dnevne parking karte. Obavijest se može ostaviti u štampanoj ili ručno pisanoj formi, a sadrži uputstvo o načinu i roku plaćanja, te upozorenje da će, ukoliko doplatna dnevna karta ne bude plaćena u roku od 8 dana od dana ostavljanja obavijesti, biti izdat prekršajni nalog. Nakon ostavljanja obavijesti, obavezno se vrši fotografisanje vozila na način kojim se dokazuje da je obavijest uredno ostavljena, a fotografije koje dokumentuju prekršaj pohranjuju se u odgovarajuću bazu podataka koju vodi preduzeće iz stava 5. ovog člana.

Ukoliko se provjerom u bazi podataka iz stava 1. ovog člana utvrdi da izdata doplatna dnevna parking karta nije plaćena u roku iz stava 1. ovog člana, ista obavijest se dostavlja na adresu vlasnika vozila, kojem se ostavlja dodatni rok od 8 dana od dana prijema obavijesti za plaćanje doplatne dnevne parking karte, s naznakom obaveze plaćanja troškova dostave obavijesti.

Ako ni u naknadno ostavljenom roku iz stava 2. ovog člana, doplatna dnevna parking karta ne bude plaćena, vlasnik vozila se, radi izdavanja prekršajnog naloga u skladu sa odredbama Zakona o prekršajima („Službene novine FBiH“, broj: 63/14, „Službeni glasnik BiH“, broj 41/22 – odluka US BiH i 68/22 – odluka US BiH i „Službene novine FBiH“, broj 19/25), poziva da dostavi podatke o identitetu vozača, odnosno osobe koja je upravljala vozilom u trenutku počinjenja prekršaja iz člana 18. ove Odluke. Ukoliko vlasnik vozila ne dostavi tražene podatke u ostavljenom roku, smatraće se da je prekršaj počinio vlasnik vozila. Troškove dostave poziva dužan je platiti počinitelj prekršaja, odnosno vlasnik vozila.

Za vozila sa stranim registarskim oznakama, za koja se prilikom kontrole utvrdi da je izvršena povreda uslova korištenja javnih parkirališta na način propisan članom 18. ove Odluke, primjenjuje se mjera blokade vozila postavljanjem uređaja za blokadu točkova. Na prednjem vjetrobranskom staklu vozila se istovremeno ostavlja obavijest sa jasnim uputstvom o postupku deblokade. Postupak blokiranja i deblokiranja vozila reguliše se posebnim aktom preduzeća iz stava 5. ovog člana.

Naplatu parkiranja, kontrolu naplate i pravilnosti korištenja parkirališta, kao i poslove blokiranja i deblokiranja vozila iz stava 4. ovog člana, obavljaju uposlenici JP „Komus“ d.o.o. Gračanica. Postupci izdavanja doplatnih dnevnih parking karata i prekršajnih naloga početi će se primjenjivati nakon što JP „Komus“ d.o.o. Gračanica pribavi sva potrebna ovlaštenja i saglasnosti od nadležnih organa. ”

Član 10.

Član 20. Odluke se mijenja i glasi:

„Član 20.

Cijena doplatne dnevne parking karte jedinstvena je za sve zone i iznosi 20,00 KM.

Naknada za blokiranje i deblokiranje kamiona, autobusa, priključnih vozila i radnih strojeva sa stranim registarskim oznakama iznosi 50,00 KM, dok naknada za blokiranje i deblokiranje putničkih automobila sa stranim registarskim oznakama iznosi 20,00 KM.“

Član 11.

Član 32. Odluke se briše.

Član 12.

Član 33. Odluke se mijenja i glasi:

„Član 33.

Novčanom kaznom u iznosu od 500,00 KM do 1.500,00 KM kaznit će se pravno lice, u iznosu od 100,00 KM do 300,00 KM odgovorno lice u pravnom licu, u iznosu od 100,00 KM do 300,00 KM osoba koja obavlja samostalnu poslovnu djelatnost – obrt, te u iznosu od 60,00 KM do 100,00 KM fizičko lice:

- a) ako postupi suprotno odredbama člana 18. Odluke i ako ne plati doplatnu dnevnu parking kartu, utvrđenu odredbama člana 20. stav 1. Odluke i
- b) ako postupi suprotno odredbama člana 18. Odluke i ako ne plati naknadu za blokiranje i deblokiranje vozila, utvrđenu odredbama člana 20. stav 2. Odluke.

Novčanom kaznom u iznosu od 1.000,00 KM do 1.500,00 KM kaznit će se pravno lice, u iznosu od 400,00 KM do 1.000,00 KM odgovorno lice u pravnom licu, u iznosu od 400,00 KM do 1.000,00 KM osoba koja obavlja samostalnu poslovnu djelatnost – obrt, te u iznosu od 400,00 KM do 1.000,00 KM fizičko lice, ako ne plati naknadu za premještanje i čuvanje vozila, utvrđenu odredbama člana 20. Odluke.

Član 13.

Odluka stupa na snagu danom objavljivanja u “Službenom glasniku Grada Gračanica”.

**PREDSJEDAVAJUĆI
GRADSKOG VIJEĆA
Mirza Okić**

O b r a z l o ž e n j e

Pravni osnov za donošenje Odluke

Pravni osnov za donošenje ove Odluke sadržan je u:

- članu 8. stav (3) alineja 11. Zakona o principima lokalne samouprave u Federaciji BiH („Službene novine Federacije Bosne i Hercegovine“, broj: 49/06 i 51/09) (u daljnjem tekstu: Zakon), kojim je propisano da u vlastite nadležnosti jedinice lokalne samouprave, utvrđene ustavom i zakonom, između ostalog, spadaju upravljanje, finansiranje i unapređenje djelatnosti i objekata lokalne komunalne infrastrukture, uključujući i javna parkirališta;
- članu 6. i 8. Zakona o komunalnim djelatnostima („Službene novine TK“, broj 11/21 i 07/25) koji propisuje da opštine/gradovi obezbjeđuju obavljanje komunalnih djelatnosti i to putem javnog preduzeća ili pravnog i fizičkog lica na osnovu ugovora o povjeravanju komunalnih poslova
- članu 4. i 6. Odluke o komunalnim djelatnostima Grada Gračanica, kojim je propisano da će Grad Gračanica pravnim i fizičkim licima putem ugovora o povjeravanju obavljanja komunalne djelatnosti povjeriti održavanje javnih parking prostora - pod održavanjem javnih parking prostora podrazumijeva se održavanje prostora i objekata u kojima se pružaju usluge parkiranja motornih vozila
- članu 10. Statuta Grada Gračanica („Službeni glasnik Grada Gračanica broj: 1/23) kojim je utvrđeno da među vlastite nadležnosti Grada Gračanica spadaju i upravljanje, finansiranje, te unapređenje djelatnosti i objekata lokalne komunalne infrastrukture, uključujući javna parkirališta;
- članu 16. Statuta kojim je utvrđena nadležnost Gradskog vijeća za donošenje propisa u vezi sa poslovima koji su mu povjereni zakonom i Statutom.

Razlozi za donošenje Odluke

Predloženim izmjenama Odluke povjerava se obavljanje komunalne djelatnosti održavanje parking prostora, odnosno upravljanje parkinzima na kojima se naplaćuje parkiranje Javnom preduzeću „Komus“ d.o.o. Gračanica. U skladu s Odlukom o komunalnim djelatnostima bit će zaključen poseban ugovor kojima će biti regulisana međusobna prava i obaveza između Grada Gračanica i JP „Komus“ d.o.o. Gračanica.

Naplata parkiranja na otvorenim javnim parkiralištima pored dosadašnje naplate putem parking automata uvodi se i naplata elektronski, putem SMS servisa i mogućnost plaćenja elektronski, putem pametne parking aplikacije. Za naplatu parkiranja na zatvorenim javnim parkiralištima koristi će se ulazni print listić i izlazni print račun.

Izmjenama Odluke predviđeno je ukidanje primjene uređaja za fizičku blokadu vozila (tzv. “kandži” ili “lisica”) kao mjere sankcionisanja za nepropisno ili neplaćeno parkiranje na javnim parkiralištima. Umjesto toga, uvodi se obaveza plaćanja doplatne dnevne parking karte koja predstavlja blažu, efikasniju i administrativno jednostavniju mjeru. Naime, dosadašnja praksa korištenja fizičkih blokada pokazala je niz operativnih i logističkih nedostataka, uključujući složenost u postupanju, povećane troškove, kao i učestalu pojavu konflikata na terenu, koji su nerijetko rezultirali narušavanjem javnog reda i mira zbog izraženog nezadovoljstva građana. Osim toga, ova mjera je doprinosila nepotrebnom zadržavanju vozila na javnim površinama. Važno je napomenuti da se mjera fizičke

blokada zadržava isključivo za vozila sa stranim registarskim oznakama, zbog tehničke nemogućnosti identifikacije vlasnika vozila putem domaćih registara i evidencija.

Uvođenjem doplatne dnevne parking karte zadržava se kontrolna i sankciona funkcija, ali na način koji je usklađen sa savremenim praksama u upravljanju javnim parkiralištima, jednostavniji za primjenu i prihvatljiviji za korisnike. Na taj način postiže se veća efikasnost u radu nadzornog organa, smanjuju se operativni troškovi i unapređuje ukupni kvalitet usluge, kao i odnos sa građanima. Ova izmjena predstavlja važan korak ka modernizaciji i profesionalizaciji sistema upravljanja javnim parkiralištima.

U okviru ovih izmjena, predviđeno je da će poslove izdavanja doplatnih dnevnih parking karata, kao i izdavanje prekršajnih naloga, vršiti ovlašteni uposlenici JP „Komus“ d.o.o. Gračanica, nakon pribavljanja svih potrebnih saglasnosti i odobrenja od nadležnih institucija (Agencija za identifikacione dokumente, evidenciju i razmjenu podataka Bosne i Hercegovine – IDDEEA, te Federalno ministarstvo pravde).

Dodatno, propisane su strožije novčane kazne za počinioce prekršaja koji ne izvrše blagovremeno plaćanje naknada utvrđenih članovima 20. i 21. Odluke. Povećanjem novčanih kazni nastoji se postići veća disciplina i odgovornost korisnika javnih parkirališta, smanjenje ponavljanja prekršaja, kao i efikasnije sprovođenje pravila propisanih Odlukom.

Ostale izmjene odnose se na tehničke korekcije, koje uključuju preciznije, jasnije i nomotehnički adekvatnije formulacije pojedinih odredbi važeće Odluke.

OBRADIVAČ:

Služba za prostorno uređenje, geodetske
i imovinsko-pravne poslove